



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Confessarivs.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

CONFESSARIUS.

CASVS I.

Appoba-
tio Con-
fessorij.

*Quid Nuntius Apostolicus valeat circa
Approbationem Confessorum?*

Respondeo, Nuntius Apostolicus habet potestatem approbadū Confessarios, etiam absentes, & per alium designāndos. Imō potest Superiori Regularium dare potestatem approbandi; cū in ipso Nuntio sit potestas ordinaria ad id faciendum.

Appro-

batio Cō-

*Vtrum Capitulum posset sibi assumere potestā-
tem approbandi & designandi Confessarios
viuente Episcopo?*

Respondeo, Aliud est approbare Cōfessarios: aliud nominare vel designare. Approbat est solius Episcopi per Concilium Tridentinum; neque huic quæstiōni potest se Capitulum immiscere. Designatio facilis ad eos pro certo loco pertinere potest: nam etiam Parochus in suā parochiā Confessarios designare potest, modō ab Episcopo sint approbati. Approbatio per se non tribuit iurisdictionem, sed reddit capacem ut ei detur iuridictio; quæ per nominationem vel designationem dari potest, modō ille sit approbatus.

Appro-

batio Cō-

*Confessarij monasterij datum est priuilegium
a Papa audiendi confessiones, etiam secu-
larium.*

Quæritur, An nihilominus indigeant Episcoporum approbatione: aut possum censeri approbati quasi ex parochiali beneficio?

Appro-

batio Cō-

*Priuilegium Summi Pontificis ad confessio-
nes secularium audiendas, non supplet approba-
tionem Episcopi iure Concilij Tridentini ne-
cessariam. Neque Cōfessarij Monialium habens
tale priuilegium, potest censeri habere quasi paro-
chiale beneficium, ita ut non sit ei necessaria ap-
probatio; quia alioquin Confessarij conuentus apud Mendicantes, non cegerent approbatione Epi-
scopi ad audiendas confessiones secularium.*

Parochiale

*beneficium
resipisci-
curam sa-
cularium,*

Addo parochiale beneficium nō dici nisi quod primariō respicit curam secularium: Hic autem solū accesorī habet secularium curam, nimirum, quia seruunt monasterio. Denique Concilium loquitur generatim de omnibus secularibus, etiam Sacerdotibus. Itaque non videtur isti Confessarij liberi ab obligatione se præsentandi Ordinario vt approbentur, si velint secularium, etiam Sacerdotum confessiones audire, etiam forte habeant priuilegium audiendi omnes secularles ad eos accedentes.

Non obstat

*se priuile-
gio, ceden-
dū ep., ubi
Episcopi
fidei positi.
nē oppo-
sunt.*

Si tamen post Concilium Tridentinū usque ad hoc tempus manserunt in illā consuetudine audiendi confessiones secularium, Episcopo non contradicente, validē potuerunt absoluere; & propter tam longam consuetudinem videntur posse continuare, donec Episcopus se opponat; qui si se opposuerit, tenebuntur cedere, propter clausulā, Priuilegijs, & consuetudine quāsunque etiam immemo- rabilis, non obstantibus.

CASVS IV.

Electio

Superior Religiosus tenetur ex decreto Clemē-
tis VIII. vel etiam sui Generalis, constituere satis
duos vel plures, qui præter se, domē sicutorum
suorum confessiones audiūt; ille id facere ne-
gligit, aut recusat.

Quæritur, An subditus posset sibi Confessa-
rium eligere?

Respondeo, Non potest inferior eligere sibi Confessarium, etiam Superior ex decreto Clementis VIII. duos vel plures constituere te-
neatur, idemque Generalis fieri iussit, & Super-
ior exequi noluerit. Ratio est, quia non appetet
vnde iste electus possit habere iurisdictionem.
Nam in decreto illo Clementis solū dicitur §.2.
Non liceat superioribus Regularium confessiones subdi-
torum audire, &c. & §.3. Superioris in singulis domi-
bus deputent duos, vel tres, aut quatuor pro subditorum
numero, &c. quibus verbis Superioribus non aufer-
tur potestas, sed solū redditus vius illicitus, &
injungitur ut alijs potestatem dent. Vnde nec alijs
conceditur illa potestas, sed iubetur ut Superio-
res concedant. Quare si ipsi nolint concedere, non
habebunt isti electi potestatem. Et sanè, si alia
mens Pōtificis fuisse, id aliquo modo explicaret.

Itaque in hoc casu recurrentum iudicio ad Ge-
neralem; vel, quod facilius & expeditius est, ad Quid talis
Nuntium Apostolicum, ut ipse inferioribus hanc
potestatem eligendi Confessorem concedat; vel
Superiorem immediatum cogat ut decreto Cle-
mentis VIII. seruat. Interē debent Superioribus
confiteri: quia hi soli iurisdictionem habent. Hoc
intellige in peccatis mortalibus nunquam antea
confessi. Nam de venialibus alia est ratio.

CASVS V.

Rudes.

Quid faciet Confessarius cum rudibus, qui non
habent fidem explicitam & distinctam Tri-
nitatis, & Incarnationis?

Respondeo, Probabilis sententia est fidem ex-
plícitam & distinctam Trinitatis & Incar-
nationis non esse necessariam ratione medijs, sed
solū precepti: quam in praxi sequi possumus. Si horum
Vnde possumus absoluere eos qui hæc ignorant,
si promittant se datus operam ut discant prima
opportunitate: maximē quando periculum est ne
moriantur antequam possint reuerti, vel putentur
non reuersuri. Si enim putarentur reuersuri, me-
lius esset eos absque absolutione dimittere, ut vbi
didicerint, reuertantur: sed hoc rarum est. Inter-
dum sunt satis capaces, & subito instrui possunt
ut rem aliquam apprehendant: & tales, si tem-
pus ferat, sunt breuiter instruendi, & postea ab-
soluendi, iniuncto onere melius ut eadē discant.
Expediret etiam Catechismos ante solemnia Fe-
storum quibus confiteri & communicare solent, insi-
tu varijs locis, & hæc necessaria breuiter & dilu-
cidè explicari.

Iuxta alteram sententiam non possunt absolui
si sint in peccato mortali: quia fides illa explicata
est medium necessarium ad iustificationem. Non
tamen est medium necessarium, ut is, qui iam
iustus est, saluetur, si contingat illum mori. Nec
ob defectum huius fidei amittet iustitiam, nisi
quādo occasio est descendit illa mysteria, & ex cras-
ta negligentia prætermittit.

CASVS

Pueri:

C A S V S VI.

Quandonam Confessarius censem pueros capaces Absolutionis sacramentalis?

R Espondeo, Pueri videntur capaces Absolutionis sacramentalis, si sciant quid eventuum sit malè agentibus, quid bene. Tunc enim concipiunt timorem Numinis, & affectum seruitutis erga Deum. Itaque de hoc rogandi. Si dubitetur, potest illis dari bona precatio & benedictio, quæ magni est estimanda. Nec est quod Sa-

cerdos huc se implicet aut vexet.

animo se oblectandi. Si affirmant, satis constat esse morosam; nec opus est rogare an turpes motus sint exorti. Si dicant post perfectam animaduersionem displicuisse, non sunt condemnandi peccati mortalis. Similiter si soli curiositatis causâ, ut scirent, non vt delectarentur re cogitata, dicant se cogitasse; quamuis hoc rarius sit. Non debet Confessarius circa hoc esse anxius: non enim est necessarium ut ipse semper possit statuere, an peccatum fuerit mortale, an veniale hic & nunc; id enim sapè impossibile: sufficit ut inquirat circumstantias necessarias, & prout videt penitentem esse capacem.

Confessarius
ritus ac ius
sui officii.

Respondere Secundò: Tunc in delectationem consentis, quando tibi placet ea voluptas, qua resultat in parte inferiore ex imaginatione actus carnalis, vel turpium contumaciarum; qua voluptas est eiusdem rationis, ac ea, quæ ex opere nascitur, nam similiter concitat sanguis & spiritus, & excitatur in membra ad rebellionem, & feminis effusione.

Quando in
delectatio-
nem cui
seruitur.Penitentia
tia seu sa-
tisfactione.Crebro
relabens-
tes.

C A S V S VII.

Quid Confessario agendum cum his qui in eadem peccata crebro relabuntur?

R Espondeo, Qui ita crebro relabuntur in eadem peccata, si post tres vel quatuor confessiones certis interuallis factas, non apparet ullam clementiam, aut conatus resistendi, expedit ordinariè eos remittere sine absolutione (explicato periculo in quo versentur, & absolutionem ipsis fore noxiā, cum non videantur habere sincerum propositum) ut conentur resistere, & adhibere remedia quæ praescribuntur. Si non redierint, committat illos Deo, nec se ob id cruciet.

Dico, Expedire ordinariè: quia absolute non est necessarium, si dicant se valde dolere, & prominent emendationem. Quod autem sapè cadant ut antè, id infirmitati humanae, quæ sanè maxima est, adscribendum. Vnde etiam Dominus septuages

septies peccatum in fratrem vult ignosci. Fieri etiam potest ut expedit sapienti absoluvi, si putetur id eis fore magis salutare. Hec enim est regula qua Confessarius uti debet circa Penitentem in absoluendo, vel remittendo, in magnis vel paruis penitentiis iniungendis, Ut spectata conditione penitentis, faciat id, quod iudicat ei fore magis salutare. Si dubitet, utatur nunc hoc, nunc illo modo. Sapè hanc repulsiō est illis saluti, quia sic magis impriment animo rei momentum.

Occasio.
telapsus.

C A S V S VIII.

Quam occasionem Confessarius censere debet proximam Penitenti ad lapsum?

R Espondeo, Ea occasio censenda est proxima alicui, in qua dum ille constituitur, plerumque succumbit, & raro evadit illæsus. Itaque quando post aliquot confessiones deprehensum fuerit Penitentia conuersatione aliquam esse causam propinquam peccandi, cogendus est illam relinquere, & efficiendum ut alibi habitat. Si id ob iustas rationes impetrari non possit, cogendus est vitare illam conuersationem, quantum fieri potest. Si promittat se id facturum quantum poterit, prescriptis in particulari aliquot modis, poterit absoluvi: alias est remittendus.

Delecta-
tio mo-
rosa.

C A S V S IX.

Quomodo inuestigabit Confessarius an delectatio de qua penitens se accusat, fuerit morosa? & an in eam consenserit?

R Espondeo Primò, Ut sciatur an delectatio de qua penitens se accusat, fuerit morosa?

13. **Delectatio
quando mo-
rosa.** Ruerit morosa, quærendum an inhaeserint cogitationi turpi postquam aduertenterunt esse talē,

14. **Qualis penitentia conuenientissime penitenti imponatur?**

R Espondeo, Illa penitentia conuenientissime penitenti imponitur, quæ omnibus consideratis, iudicatur ipsi penitenti fore magis salutans. Huc enim omnia tendunt, ut iste perducatur ad salutem.

Hinc fieri poterit ut pro 10. adulterijs, vel fornicationibus, non imponatur penitentia grauis homini simplici; nimur si non putaretur eam expleturus; vel non habeat commoditatem propter vxorem & familiam; vel si alienaretur in posterum à confessione &c. Tunc enim tali possent imponi quinque Pater & Ave per medium annum; & vt confiteatur quinque vel sexies magnis Feltis per annum; idque ad tres vel quatuor annos, & similia.

Quod si persona sit capax, & putetur ei fore vtile, conueniens erit imponere etiam ieunia, & afflictiones corporis. Verum quod ad graues penitentias attinet, facilè penitentes possunt eas redimere per Indulgencias, uti diximus in Tract. de Indulgencij cap. 3. dub. 2. Vnde magis sunt inducendi vt sponte sua peccata castigent, quam strictè obligandi, nisi quando Confessor iudicat hoc magis expedire.

C A S V S XI. Surda-
felle confitentibus in magno populi confluxu?

R Espondeo, Non existimo surdastros in magnō populi confluxu, qui imperfectè confitentur, posse absoluvi; sed eis remittendos in aliud tempus quo possint examinari, & instrui de necessarijs; nisi forte essent in periculo mortis &c. multoque minus id licet quando præceptum confessionis non obligat.

C A S V S XII. **Quid faciet Confessarius cum Nobilibus, qui debitores accusantur a suis creditoribus de defectu solutionis?**

R Espondeo & dico Primò, Non facilè denegada est Nobilibus illis absolutione ob defectū solutionis respectu suorum creditorum, nisi constet P iiiij eos in

eos in ea re iniquè agere. Suspiciones & dicta cœditorum sèpè non sufficiunt.

Respondeo Secundiò, Si agatur de solutione editum personalium, vel etiam realium, facilius excusari possunt, etiam si aliquot annis non soluant; quia sècè consuetudine receptum est, vt in pensionibus annuis non fiat ita prompta solutio.

Respondeo Tertiò, Si ipsi in confessione se non acculant, quòd debita non soluerint, & putentur bona fide existimare, se posse adhuc solutionem differre; posset Sacerdos dissimilare eam inquisitionem, si animus eorum erederetur inde offendens, & maius bonum quod intenditur, impedientum timeretur. Si tamen non putentur esse in bona fide, vel ignorantia videatur crassa, suauiter sunt monendi, & instruendi.

Peccata obliterata.

Vtrum teneatur Confessarius monere pénitentem ut confiteatur peccatum morale quod olim commisit, & per obliuionem prætermisit?

18

Respondeo, Rectè dicitur me non teneri morere Titium ut confiteatur peccatum mortiferum quod olim commisit, & per obliuionem prætermisit confiteri; quia illa omissione præcepti diuini postiui fuit absque culpa, nec oblet illi ad salutem aut bonam vitam &c.

Sigillum confessio-nis.

Confessarius dubitat an male absoluerit pénitentem à casu reservato: de eo, ipse confiteatur apud Confessarium istius pénitentis.

Quæritur, An ille omnino teneatur cauere, ne iste Confessarius possit conjicere illum pénitentem rursus in talen casu incidisse?

19

Respondeo, Confessarius qui dubitat an male absoluere pénitentem à casu reservato, tenetur cauere ne ita confiteatur illud suum peccatum, vt Sacerdos possit conjicere illum pénitentem rursus in talen casu incidisse. Etsi enim sciebat illum alia talia commisisse, ignorabat tamen hunc peculiarem lapsum. Nec refert quòd id per accidens conjicat: quia tenetur Confessarius cauere ne illo modo det occasionem, vnde alius deueniat in notitiam peccati, quod ipse in confessione audiuit. Secùs forte eset quando idem casus illi Sacerdoti eset notus: tunc enim pénitentis non confetur inuitus, maximè si erat necessarium ad petendum consilium. Si tamen ab alio consilium habeti poterat, non potest conferre cum eo, qui conjicet personam. Expedit in hac materia esse stricturn. Vide quæ diximus in Additionibus ad 3. Partem de Pénitentia q. 11. de Sigillo Confessionis.

CONFESSIO.

CASVS. I.

Dispositio penitentiæ. Qualis dispositio sufficiat ex parte doloris, detestationis, & propositi ad absolutionem sacramentalem?

Respondeo, Illa dispositio, qua quis, reuocans in memoriam suis peccatis, ex considera-

Confessio.

tione malignitatis eorum, prosilit in hunc actum animi internum: O maledicta peccata quibus Deum

*Detectatio
peccati ob
Deum of
fensum,
gratiam
deperdidit,
& penam
eternam
commer-
tam.*

meum offendit, vel quibus animam meam gratia divina priuaui, & pénis eternis obstrinx! & simul proponit illa explicitè confiteri, & in posterum abstinere; & sic accedit ad confessarium eaque confitetur: illa, inquam, dispositio est sufficiens ad obtinendum beneficium absolutionis, & remissionem peccatorum, etiamsi dum Confitetur, nouum actum internum non elicit. Imò talis dispositio est valde bona & perfecta. Est enim abominatione & detestatio vita præterita quatenus offendit Deum; & sic est vera contrito: vel si tendat in peccata, vt faciunt reum peccata eterna, est attritio supernaturalis, ac proinde sufficiens cum Sacramento. Porro in ista abominatione expressè continetur illud nolle, quo quis nollet peccasse: Sicut enim amare, est velle; ita detestari, odire, abominari (quæ omnia idem valent) est nolle. Denique ex hoc actu necessariò oritur dolor, saltem in parte superiore, etiamsi homo non semper id aduertat. Impossibile enim est in se ipso videre aliquod malum ingens, & illud detestari seu abominari, & non dolere de eius praesentia &c. Quare dubitandum non est quin tales confessiones validæ fuerint, & nullo modo sint repetenda.

CASVS. II.

An, qui dolet se non satis dolere de peccatis, Dolor. cum absoluto proposito in posterum abstinendi, sufficienter sit dispositus ad absolutionem?

Respondeo, Si res moraliter confidetur, qui dolet se non satis dolere de peccatis, videur habere sufficientem deformem, modò adhuc propositum absolutum in posterum abstinendi. Qui enim dicit se dolere ob defectum sufficientis doloris peccatorum, hoc ipso satis indicat peccata displicere, & nolle se ea commississe, quamvis illam displicientiam non ita sentiat. Si ergo adhuc propositum absolutum emendationis, censeri potest ille dolor sufficiens.

CASVS. III.

Dolor.

An dolor pridie excitatus sufficiat ut post die absolutionem consequar absque novo dolore?

Respondeo, Dolor semel conceptus de peccatis in ordine ad confessionem recognitis, si quis ex vi illius, & proposito tunc concepto, applicet se etiam postdie ad confessionem, sufficiens est ad fructum Sacramenti, etiam si quis in actu confidendi nouum dolorem non concipiat. Manet enim iste dolor virtute. Sicut cum quis ex vi propositi quod hodie facit, crastino die se applicat ad aliquam peregrinationem, illud propositum tendendi ad talem terminum manet virtute. Idem cernitur in alijs bonis operibus.

CASVS. IV.

Confes-

Si Confessarius apprehendat ut scrupulos, que sio male vere sunt mortalia: Aut ut non facta à pœnitente,